

官板
東華錄

十六止

漢書門
五
一
六
八
類號函架

內閣文庫
漢書
五
一
六
八
類號冊函

| | |
|------|--------|
| 內閣文庫 | |
| 番號 | 漢 5111 |
| 冊數 | 16(16) |
| 函號 | 285 99 |




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





東華錄卷之十六

十年正月岳鍾琪奏臣因入冬積雪甚深嚴飭卡倫

弁兵不許遠哨詎料防範鏡兒泉副將馬順不遵軍

令擅遣遠哨以致遇賊被傷兵二名衝失一名理合

參奏得旨鏡兒泉卡倫離軍營不及百里賊來即至

傷失兵丁岳鍾琪是何防範且安設卡倫原為巡報

如雪霧黑夜尤宜加意若主令登城瞭望不許分遣


遠哨以為恐有疏防是必待賊臨城而後防矣是何

淺草文庫

東華錄 卷之十六 雍正十年

軍令岳鍾琪不知自咎僅以副將陽奉陰違為詞朕
寔不解岳鍾琪等交部嚴察議奏岳鍾琪言穆壘
地方扼要可屯種請築城駐兵二萬可以堵截賊人
來路再于巴爾庫爾駐兵一萬于魯谷慶皮禪等城
添兵足一萬互為聲援從之陞杭州織造隆昇為
杭州右翼漢軍副都統二月大學士等遵旨議奏
白格爾地方在察罕叟爾西南北克拜達里克正西
賊人若由阿爾泰阿爾木克圖布拉罕巴爾魯克畢
濟阿濟等路前往額濟內等處俱由此路經過實屬

扼要請駐兵一萬可資應援令建勳將軍達爾濟移
駐後之辦理哈密事務員外郎永恒等奏正月二
十二日準噶爾賊兵突來犯城垣貝子額敏擒獲賊
人供稱領兵係色布騰策零那木扎爾等由烏魯木
齊前特遣兵六千來掠哈密牲畜報聞諭大學士
等費雅思哈伍什巴著往推河與侯馬蘭泰一同領
兵駐劄岳鍾琪奏正月二十三日準噶爾賊占據
天生圍山口駐劄塔爾那心提督顏清如遣叅將朱
彪前赴三道大阪防範馬廠隨即督兵守城自辰至



酉賊人始退。二十四日，朱彪至白揚溝，與賊對敵。賊退敗，隨遣副將軍張經綸領兵出城禦敵。賊由西南原路而逃。諭定齊戒懸牌之例，自此始。岳鍾琪言：臣令總兵高勳副將紀成斌等率兵應援哈密。正月二十七日，將至二堡，遇賊五千餘，交戰一晝夜。二十八日，四面進攻。後卯至午，殺傷無數，奪其馬匹牛羊，并救出兵丁及漢回商民數百餘。賊敗遁。二十九日，高勳由二堡至柳樹泉，于總兵張豹、哈密副將焦景銛、塔爾那沁副將陳經綸令兵追剿。臣隨知會副將

軍石雲倬常賚署鎮安將軍卓鼐等派兵於無克克嶺南山足梯子象一帶截殺，旨嘉獎。奉旨叅贊陳泰照擬處斬。秋審擬為情實，俟命下再行正法。以傳爾丹進勦時，特授兵二千，令在科布多河岸駐劄。一聞索倫逃兵言，即畏懦領兵回向扎布韓也。岳鍾琪奏叅副將軍石雲倬等至無克克嶺，適賊人在山口二十里屯住，乃觀望不前，以致賊人由塔庫內庫一路逃歸。尋議石雲倬革職，交岳鍾琪司常賚卓鼐等詢明確供，解京究擬。從之。上諭穆壘築城，改至

六月夏秋慎密妥辦。命福建總督劉世明馳駟來京。請訓旨前赴軍營。又諭石雲倬已革職。貴州巡撫張廣泗深請軍務。着馳駟來京。面請訓旨。前往軍營。為副將軍。三月。大學士等參奏岳鍾琪奏報賊人敗遁。及臺站牧廠情形。諸摺情詞互異。前後舛謬。得旨該部嚴察議奏。尋議玩忽縱賊。致劫牲掠畜。後塔庫納庫遁歸。悉削去公爵。並官保。降為三等侯。後之。四月。軍機大臣議覆黑龍江將軍卓爾海請于呼倫貝附近之濟拉嘛泰河口處。種地築城。選兵移

駐。設立卡倫十處。後之。五月。以山東兗東二府雨澤愆期。貧民乏食。命將各部學習人員。及國子監選拔貢生內。揀選十數員。或二十員。帶領引見。發往山東。交巡撫岳濬倫委辦賑濟之事。授護軍統領阿思海為前鋒統領。往西路軍營。管轄滿洲兵。侍郎武格授揚武將軍。統轄巴爾庫爾滿兵。劉世明授副將軍。轄巴爾庫爾綠旂兵。于武格馬會伯商酌辦理。閏五月。議叙陝西宣諭化導官右春坊右贊善錢承群等五十一人。分別陞轉有差。岳鍾琪報賊人寨

桑額爾克得松領賊二千分東西三路來犯哈喇火
州城叅將劉廷琰遊擊李英等敗走之福撫趙國
麟奏臺灣北路大甲西番不法殘害官兵經總兵呂
瑞麟道員倪象愷已將脅從等社撫定續有鳳仙縣
南照奸民聚眾傷兵經提督王郡勦追解散今現在
嚴緝首犯吳福生其大甲西番上官率令全社就撫
署雲南廣西督高其倬奏雲南普洱府屬思茅土
把總刁興國勾結苦葱蠻悖叛煽動元江夷人圍攻
普洱府又通關大寨猺夷附和苦葱過阿墨江直犯

他郎地方元江把總康天錫陣亡臣調逸東逸西兵
令總兵董芳由元江景東兩路進剿報聞七月山
東撫岳濬報鉅野縣民李思家牛產瑞麟膚身牛首
遍身皆甲甲縱有素毫玉足文頂光彩爛生請詔付
史館宣示中外得旨山東前歲被水今聞產瑞麟寔
深愧悚該撫所請皆屬虛文將朕乾乾夕惕對越上
天之惓惓曉諭天下知之諭岳鍾琪辦理總不妥
協着回京寧遠大將軍印務着署陝西總督查郎阿
署理副將軍張廣泗暫行護理查郎阿年來事事合

宜克勝大將軍之任。但肅州路遠，未便來京請訓。特命大學士鄂爾泰馳往傳諭。陝西督印務及所辦軍需事，着直督劉于義前往署理。諭提靖邊大將軍順承親王錫保奏：七月十日，賊犯烏孫珠爾處。傅爾丹等接戰數次，敗賊前隊。又賊後隊前至，我師失利等語。去歲傅爾丹冒進損傷，特恩寬免其罪。理應竭力報効，何以又致債事。倘因賊眾我寡，相機回營，尚屬可原。若係輕躁懦弱，即應嚴加議處。着順承親王據實陳奏。東撫岳濬奏：慶雲捧日，宣示中外。

八月，錫保奏準噶爾前赴厄得爾河源偵探，已確議于奔博圖山嶺發兵八千堵截。於七月二十一起程。西路副將軍張廣泗等奏：臣抵穆壘見地處兩山之間，形同釜底，受敵甚易。據守甚難。查巴爾庫爾地處平原南北兩山，南山綿亘數千里，直至伊里北山，漸折而西南，至濶舍圖與南山鎖合，為巴爾庫爾之關鍵。再西出烏闌烏蘇口，則地山已斷。南山之北，即屬沙磧。請于濶舍圖駐重兵，濶舍圖以西之烏闌烏蘇口、南山一帶之陶賴無克嶺、北山一帶之小

潤舍圖色必忒鄂龍吉察罕哈麻爾鏡兒泉及運糧
臺站經由之噶順吳爾圖哈必爾漢等處俱各駐兵
則與已爾庫爾大營形勢通聯可免賊人窺伺但宜
迅速舉行交冬降雪則賊人出沒萬難籌畫得旨爾
奏甚明著速辦理廣泗又言臣見岳鍾琪調度兵馬
籌運邊餉以及統馭將士之處多屬乖方不敢不據
實列奏云云諭上年據岳鍾琪奏稱已爾庫爾屢
被賊人侵擾穆壘形勢寔為萬全之地願以全家性
命保其有益無害今張廣泗等所奏如此則岳鍾琪

欺罔之罪擢髮難數矣張廣泗等必有真知灼見聽
其酌定辦理務期妥協北路副將軍王丹津等報
稱八月初五日在厄爾得厄招地方連擊賊衆追至
大山梁間殺賊萬餘賊衆逃往鄂爾昆上游向推河
而去叅贊內大臣侯馬蘭奏報八月初九日賊
二千餘犯西爾哈招臣等出城迎擊殺百餘人賊大
敗次日追至那壘泉爾地方賊連夜遁去諭劉世
明命為副將軍授以已爾庫爾領兵之重任豈知伊
苟且瞻顧退縮不前著革職交與署大將軍于領兵

東華錄 卷十六
艱苦處効力贖罪。九月諭朕以馬爾賽之祖圖海
功績。令所襲之二等公爵加為一等。擢用為大學士。
授大將軍。乃伊在口外第八臺。聞科布多地方準賊
消息。便自怯懦。奏請往歸化城。朕猶寬恕。授為將軍。
令行扎克拜達里克。頃準噶爾賊衆來犯。察罕叟爾
之大兵。直越杭愛。搶奪喀爾喀等部落。王丹津多爾
濟策凌叅贊塔爾岱等。尾追至鄂爾昆之厄爾得厄
招。大敗賊衆。胆裂奔散。大將軍已劄令馬爾賽會同
達爾濟截殺。今據叅贊胡琳奏。一聞賊衆推河信

息。將軍達爾濟等。即整齊兵丁。前往截殺。而馬爾賽
堅不發兵。傳臚請兵。至于跪求。決不允許。至十三日。
因臣等起程。馬爾賽不得已同行。至半路而回。等語。
馬爾賽誤國。深負朕恩。國法軍法。俱難寬宥。今已行
文。令明白具奏。俟回奏時。將馬爾賽正法之處。另降
諭旨。十一月。命將馬爾賽。于扎克拜達里克軍營
正法。大學士伯督。巡陝甘。經畧軍務鄂爾泰奏。北
路逆賊。在厄爾得厄招。被我兵大敗。向推河逃去。查
畢濟一帶。乃逆賊必由之路。中間有充他馬哈之沙

磧係畢濟要隘。離巴爾庫爾不過三百餘里。臣隨咨
 行。護寧遠大將軍印務。張廣泗令其挑選精兵。交前
 鋒統領阿思海。總兵官張存孝。即日前往堵截。張
 廣泗奏。八月二十八日。臣于署鎮安將軍卓鼎等。將
 大營全撤。自穆壘起程。於三十日。已歸濶舍圖。但細
 閱地方。難於久駐。臣等不敢固執前議。請將大兵盡
 行撤回。巴爾庫爾。惟於附近要緊處酌量安兵駐守。
 并請將勒木津。塞木津。漢墩三處分駐兵。撤回歸併
 魯谷。慶哈喇。火州。皮禪。洋海。四處分駐三處。回民亦

移至魯谷。慶等城內。報聞。鄂爾泰條奏。邊地屯田
 事宜五條。從之。諭據錫保奏。傅爾丹在烏孫珠。并
 不整脩官兵。預籌堵禦之策。輒輕調官兵進擊。致誤
 軍機。着革去公爵。并領侍衛內大臣。振武將軍。十一
月免治罪留軍張廣泗奏。臣等於八月廿八日。自
營効力贖罪穆壘撤兵。令總兵官王緒級等。帶兵四千五百餘名。
 由南路往陶賴無克。搜濟等處駐劄。又派總兵官
 張元佐等。帶兵四千餘名。由北路往鏡兒泉。噶順察
 罕。哈麻爾等處駐扎。臣于副將軍常賚。領兵六千餘

東華錄 卷十六
名由中路行過噶順溝於初十日抵巴爾庫爾駐紮其南北兩路兵亦各抵駐劄之處報聞鄂爾泰奏邊地屯田查肅州城南九家窰荒地一區土高無水九家窰之北上賽中賽水堡上監水等四堡俱係熟田亦因水源不定兼有漏沙每歲薄收請于上流鑿山開洞引千人壩之水逆流而上以避漏沙則九家窰荒地可墾上賽等四堡熟地更可豐收從之劉世明署甘州提督十月卓岳鍾琪職交兵部拘禁以其軍務廢弛防禦追擊屢失機宜也十一月

以寧古塔將軍常德為靖邊大將軍之副將軍鄂爾泰言肅州嘉峪關金佛寺堡之所管汛地內南山隘口抵木魯郭迤邐而西有硫磺山一座周圍四五十里遍產硫磺並無番夷牧住依法煎熬合算人工運費每淨磺一觔計值五分而出產甚多請委員開採以利軍需從之十二月以下侍郎祭酒孫嘉淦引見教習人員不據寔陳奏懷私欺罔草職交刑部尋擬斬候得旨免罪着戶部銀庫効力行走命拏解揚武將軍工部尚書武格來京嚴訊以在軍前捏造

東華錄 卷十六 雍正十一年 十

撤兵之說惑亂軍心也。十一年五月刑部擬斬決旨改秋後福督郝

玉麟報臺灣北路大甲西番等杜允苗不法官兵進

勦克期寧謐旨嘉獎

十一年正月命鄂爾泰前往北路軍營經畧軍務

設安西兵備道一員命海望李衛往浙江會同程

元章相度海塘工程給直省書院膏火銀四川

建昌總兵官趙儒疏報紫石喇兒斯堡等處賊番不

法殺害厥員臣率官兵進勦克寨六十餘擒獲首兇

於十二月撤兵旨嘉獎二月封皇四子為和碩寶

親王皇五子弘晝為和碩和親王三月命西藏及

又木多各留駐兵五百名餘俱撤回四月軍機大

臣議覆查郎阿叅奏專派駐劄搜濟副將紀成斌抗

違玩誤駐劄無克克嶺總兵張元佐任意疎忽一任

賊人藏住亂山在搜濟卡倫白楊溝等劫掠糧艸及

車戶人等由陶賴庫免爾庫逸去得旨紀成斌著革

職尋刑部議上得旨紀成斌軍營處斬張元佐降五

級留營効力五月雲貴廣西總督高其倬疏報普

思逆賊刁興國等叛逆不法臣檄提臣蔡成貴總兵

揚國萍等統兵攻剿刁興國及土木楊昌祿等擒斬
梟示招撫男婦四萬二千六百餘名此外未獲逆賊
提險負固現飭嚴勦窮搜軍機議鄂爾泰奏明歲
大兵前進阿爾泰乘機攻勦今歲交秋應緩行至科
布多等處每人給兩月口糧用官駝載往其餘八月
口糧需用八萬石應交范毓麟陸續運往並請欽定
掌管副將軍印信之人得旨請邊左副將軍印務着
額駙策凌掌管右副將軍印着塔爾岱掌管副將軍
常德着與策凌同行議政大臣永錫授為內大臣與

塔爾岱同行六月廣西撫金鉷疏稱鬱林所屬之
富民鄉藤釐坡忽湧瑞泉二穴味甘色清足灌田三
千餘畝得旨建祠奉祀泉神命辦理軍機大臣尚
書性桂閣學雙喜往北路軍營與原任侍郎巴泰協
理軍營事務貴州提督哈元生疏報進勦九股頑
苗擒獲首犯一百九名餘皆投誠安插七月營田
觀察使陳儀奏報六月二十三、四等日大雨如注山
漲驟發豐薊一帶田淹禾潦民房倒塌命多羅平
郡王福彭為定邊大將軍討逆賊噶爾丹策零川

東華錄 卷十六 雍正十一年 十三

督黃廷桂報監亭縣牛產瑞。八月查郎阿奏報逆賊五千餘人來侵庫爾墨圖山地方被我軍擒斬未脫一騎。旨嘉獎。大學士管掌院事張廷玉遵旨議奏新科庶吉士恩給廩餼每月給銀四兩五錢器用什物工部支取並撥給官房一所為教習館令肄業其中後之。九月河東督王士俊糾叅河南學政俞鴻圖納賄營私得旨革職嚴審。刑部議查郎阿叅奏總兵曹勳領兵哈密縱賊失機旨軍前正法。十一月諭內閣朕因浙江海塘關係緊要特令杭州

將軍阿里克副都統隆昇會同該撫程元章督催辦理近聞堵塞興山開挑引河查看數次但以行文調取閩省善水之人試探為詞苦工費難施亦應及早奏明何得半年以來尚無頭緒着傳諭及時修築毋得仍前怠忽。

十二年正月命公博爾屯同副都統綽爾多領紅郭爾鄂隆兵往烏里雅蘇泰軍營聽大將軍調遣。工部覆直督李衛議奏豐潤營田觀察使陳儀條奏一王田豐潤等處圍田為水淹冒請查明殘缺堤岸動

帑修補一薊運河堤工緊要請加高培厚一小河為鴻橋藍泉二河會流舊有民埝請加修築並疏濬鴻橋一河河深塞外東流與薊運會合南北兩岸險要請設歲修銀兩預備椿埽一對河東岸乃玉田民埝請加倍防護一還鄉河性駛流曲豐玉堤埝多被漫決請設歲修銀兩一陡河即館水由深河又豐潤至拾家沽以下河窄流紆兩埝早薄請悉展寬即以所挖之土增築兩堤從之定邊大將軍福彭奏軍中駝馬最關緊要現今喀爾喀扎薩克諸藩臣進獻駝

馬况臣等宗臣如諸王貝勒貝子公等皆有馬場滋生馬匹臣家馬五百匹情願自送軍前備用伏乞恩准並將臣摺交諸王等閱看允之二月大學士等議奏浙江海塘工程前奉諭旨令該督程元章等先築土備塘一道堵塞尖山水口漸次改建石塘并于中小壘開挖引河分洩江流以減水勢今該督奏稱尖山水口勢難堵塞引河亦難于開挖查海塘關係重大應令該督再于中小壘詳加踏勘妥議具奏至尖山水口寔係海塘受惠之由若不堵塞則每年徒

費錢糧亦應交該督預購物料俟冬初水落設法舉行得旨程元章毫無確見着將海塘工程交杭州副都統隆昇總理令御史徧武前往協辦文武工員俱聽隆昇揀調其物料錢糧仍着程元章料理諭據大將軍平郡王奏塔爾馬善等進勦行至額爾齊斯河見逆賊人家牲畜盡行收去遂領兵暫回所有懦怯情由已經移咨飭行朕思逆賊既已探知先行移避即令深入於事何益平郡王飭行殊為過當王大營現駐迤東離行軍處甚遠額駙策凌身在彼地逆

賊虛實知之必悉嗣後係策凌承辦事件任聽伊總理以額駙策凌于台吉成滾扎布署理喀爾喀副將軍印務二月大學士等覆杭州副都統隆昇奏海塘工程命臣總理查得河莊等山之東首舊有南港河一道舟併可通今西首淺淤者僅十五里挑挖甚易所費亦輕據旗員兵丁情願効力等語應如所請今募夫施工無庸資籍駐防兵力後之大臣等議據署寧遠大將軍查即阿疏奏副都統阿克山觀音保所管馬匹倒斃走失十分之一得旨觀音保即

在軍營正法。阿克山在巴爾庫爾城枷號。秋後處決。尋查郎阿請將二人暫停正法。俱在通衢枷號。後之刑部議河南學政俞鴻圖罪。得旨。著即處斬。學政督撫同在一省。優劣未有不知。嗣後有考試不公。徇情納賄者。經朕訪聞。該督撫亦必照溺職例嚴處。尋以鴻圖父戶部侍郎俞兆晟不能教子。及家人曹楷來往京中會銀。懵然罔覺。着革職嚴審。雲貴廣西督奏報普思土賊猖狂。臣檄將弁進剿。擒斬首惡神仙喃奔等二百餘名。招降八千餘名。攸樂思茅一帶

蕩平。旨嘉獎。軍機遙議奏。喀爾喀公葛木丕爾於上年冬月嚴寒之時。領兵過阿爾泰山嶺。開通雪路百餘里。直抵察罕胡濟爾等處。賊衆驚潰。棄輜重。適當經擒獲男婦馬匹牲畜等物。振旅還師。甚屬効力。應註冊議叙。從之。四月。直隸河督顧琮奏。永定一河全賴下口流通。庶上流暢注入淀。乃陶河以南。漸積填淤。正議挑濬。仰蒙天賜。引河開刷。二十餘里有四千餘丈之遠。不勞民力。悉出天工。得旨。展祀神。以答靈贖。禁廣東進象牙。以其過於華麗也。有自海

洋來者禁止勿售。五月諭大學士等戶部尚書彭維新受朕深恩忍於背負所犯罪款非貪賍受賄則朋比黨援非立意作福作威則有心顛倒國政今刑部福敏張照等全置不究而反將那用飯銀一條擬以大辟誠不知何心着另行確審定擬停止進兵命大將軍擇科布多相近形勢之地分駐游牧諭今年停止進兵遣使前往宣示利害賊果知懼求和即行定議完結彼若游移推諉則整備大兵明年進勦北路副將軍額駙策凌侍郎傅鼎學士阿克敦衆

佛保西路等大將軍查郎阿俱馳駟來京着平郡王帶領傅爾丹暫往料理多總統弁兵辦事西路軍營交張廣泗辦理吏部議副都御史鄂爾賽奏滿給事中員缺請照漢給事中之例俱以御史轉陞從之從前滿漢給事中俱以員外郎陞用六月河東河道總督朱藻奏河南考成縣劉家店舊有河身二道每遇汛發大溜注射堤工欲取直順行必須開挖引河令自劉家店西至新莊東添開引河一道兩岸提工如同盤石下部知之戶部覆內閣學士凌如煥條奏查報墾地畝


陞科定例。水田限六年。旱田限十年。而有司奉行不
 實。或墾少報多。希圖議叙。及至陞科之年。按冊有餘。
 按畝不足。報墾官已邀叙典。接任官豈甘賠墊。勢必
 於里甲中勾泐飛洒。以求足額。請令該督撫。另調隔
 屬賢良。履畝勘實。與所報之數相符。取具印結報部。
 然後准其議叙。倘有捏造。督撫將原報官及出結之
 員一併叅處。應如所請。再從前各省所報。或墾少報
 多。濫邀議叙。及陞科之後。虛額賠墊。亦未可定。應令
 督撫查核叅奏。從之。米藻奏。開封府祥符縣南北

莊等處。河灘適中之處。水勢直趨。刷成引河一道。化
 險為平。下部知之。七月命果親王允禮。往秦寧經
 理達賴喇嘛住藏。因閱直隸山西陝西四川四省兵
 諭額駙策凌查郎阿四軍營。令將兵丁酌留防邊。
 外其餘有勞績被傷。並無兄弟子姪者。俱撤回。八
 月遣侍郎傅鼎。額外閣學阿克敦。副都統羅密。前往
 準噶爾。宣諭台吉噶爾丹策零。尹繼善奏。官兵進
 剿。元江臨安普恩一帶逆夷悉平。九月西路副督
 軍張廣泗奏。九月初四日。吳爾圖水有賊數百人。藏

匿臣飛飭副都統班第達什總兵張元佐遊擊郎建業於初五夜齊赴喀桃以西蘆州溝一帶復飭提督樊廷赴蘇泉子分路搜勦果於喀桃遇賊我兵奪據山梁連敗賊衆遂越過噶順直抵鄂龍吉大坂計斬四百餘級擒三十六人獲馬匹器械餘賊遠遁旨嘉獎福彭奏北路官兵遵旨於九月初六日自科布多軍營撤回俟大軍齊集過冬地方酌遣分駐各處報聞十一月允禔卒於高牆

十三年四月辦理軍機大臣等遵旨議奏北路軍營

官兵臣等會同副將軍常德詳加籌畫應於新近洩往之滿洲蒙古綠旗兵丁內選留二萬名分駐各形勝地方其餘盡行撤回原處鄂爾昆等處去年更換綠旂兵八百名仍留種地得旨北路軍營駐兵二萬之處可密行文大將軍平郡王今噶爾丹策零雖遣使求和而疆界尚未定議不可深信俟準噶爾傾心歸順始可酌量撤兵若駐兵不敷禦敵之用則不如不駐兵矣但兵數太多未免耗費國帑務須詳悉籌畫此二萬兵能否禦敵之處着大將軍副將軍等公



同妥議密奏。諭上年廣東總督鄂彌達巡撫楊永斌奏稱開採以資鼓鑄於粵民生計有益旋經議行。後復有人極言其不應行着議部即行文該省停止。閏四月雲貴督尹繼善奏台拱古州南鎮現今合勦奸苗其事起於奸苗圖騙銀錢造言誑惑古州文武不能善為彈壓一聞聚眾不即擒拿鎮臣韓勳擊散苗眾不即追捕致令蔓延俟事竣詳查具奏報聞。準噶爾遣使垂納木喀齋表進貢降旨諭定疆界使之齋回。留駐巴爾庫爾兵丁着內大臣常賚總

統提督顏清如原任尚書馬會伯協同辦事總兵張朝良揚琮管領兵丁其留駐哈密兵丁着查郎阿酌派大員管領。大將軍平郡王遵旨議奏北路軍營撤兵駐兵事宜應留滿洲蒙古兵二萬名其餘各撤回原處得旨平郡王着暫留統轄。五月諭湖廣督邁柱等奏報台拱逆苗不法黃平施東一帶俱遭擾害着邁柱提督董芳再撥兵二千名協力嚴勦至賊苗敗遁還巢勢必攻打古州等處着廣西撫金鉉提督霍昇即派精銳三千以二千名由洪江一路徑到

黎平進古州。背後應援彈壓。以一千名。由河路至平字一帶。防範下江。以備調遣。授貴州提督哈元生。為揚威將軍。諭將清江台拱上下九股穴苗。及內地倡首附近惡寨。痛加勦除。務盡根株。軍機處覆廣東督鄂彌達奏稱。派撥督標兵二千名。令左江總兵王無党領赴古州。援剿。又調廣西撫標兵五百名。於黔粵交界汎地彈壓。後之。命果親王允禮。皇四子寶親王皇五子和親王弘晝。及大學士鄂爾泰。張廷玉。戶書公慶福。尚書魏廷珍。憲德。張照。徐木。都統李

禧。甘圖壁。侍郎呂耀曾。俱辦理苗疆事務。查郎阿奏。噶爾丹策零。現今遣使。賫表求和。軍營滿洲蒙古兵。應行撤回者。俟群噶爾使臣回後。請按程挨次分隊行走。令原管之將軍副都統等管領。進嘉峪關。抵肅州。各回該處。至綠旂兵丁。現共一萬四千餘名。兵挑留一萬一千。內將一萬駐劄巴爾庫爾。一千添防哈密。其餘俟滿洲蒙古兵起行後。亦挨次令各營原管大員帶領進口。報聞。哈元生等奏。古州逆苗不法。四月三十五月初一。等日。副將紀龍。周儀。署叅將

東華錄 卷十一
哈尚德崔傑等領兵分路擊殺逆苗斬獲無算駟路
開通黃平一帶地方居民復業旨嘉獎六月軍機
議查郎阿等奏西路駐兵事宜一巴爾庫爾于哈密
中隔南山大坂聲息不能驟通與其分駐於兩處不
若合駐於南山應將留駐巴爾庫爾之二千名俱駐
哈密其哈密原議二千名再添一千名共五千名此
五千名應駐哈密三千其西之三堡沙泉東北之
塔爾那沁各駐一千一軍營馬駝哈密炎熱牧處甚
少應於播種後撥哈密塔爾那沁沙泉泉兵合二千

至山北招莫多胡吉爾太沙山子鹿心山等處游牧
并添設斥候俟交冬仍回山南將斥候撤回一南山
大坂為哈密北面屏藩應於駐兵內撥兵分駐築道
上小堡於鹿心山松樹塘烏蘭特爾木斯畢留大坂
等四處各設斥候至於無克克嶺為三堡沙泉要隘
應于駐兵內派撥安設無克克嶺上小堡於搜大坂
白楊溝羊卜納錫納腦兒三處各設斥候其塔爾那
沁應於駐兵內派撥安設河源小堡於莫艾舒魯孫
大坂二處各設斥候一留駐巴爾庫爾兵丁已歷七

載應令全撤查安西鎮標及瓜州兵現駐防哈密一千名外應即於安西兵內挑派四千名赴哈密駐防以均勞逸從之尋又議就近於肅州甘提西寧鎮安西鎮各撥一千合足五千更番迭戍哈密派提督一員駐劄授湖廣提督董芳為副將軍與哈元生辦理勦撫機宜以逆苗仍盤踞山梁也上諭查楚兵五千原係董芳所轄應聽董芳調遣而粵東粵西兵八千名前進古州若古州等處毋庸八千全數所餘之兵應併令董芳統率調度至哈元生現駐楊老地方

其上游調來之滇黔漢上官兵共一萬數千餘名應聽哈元生統率調度于董芳分領夾攻毋致耽誤至內地清理之後哈元生即應酌帶各省鎮弁前進苗疆勦撫而內地各寨應彈壓安置并於附近苗疆要隘駐兵應援之處應令董芳辦理其所辦事件兩人互行知會并令知會撫定苗疆大臣張照等及該督撫再查官兵已陸續到黔理應速清內地急援清江乃內地逆苗仍無猖獗而清江逸東猶未開通且文移往來猶從僻路遞送此中情由或係兵力未齊或

係逆苗阻截。應令張照哈元生等據寔具奏。又查調撥楚省官兵赴黔。原為保護城汛。剿禦逆苗之用。今青溪被攻既急。鎮遠相去甚近。何以鎮遠文武坐擁楚兵一千八百之多。竟不分撥救援。以致縣城失守。應令張照等一并查奏。軍機議。總理青海番子事務德齡等奏。哈爾塔圖駐劄西寧大通綠旂兵二千。現遵旨議撤。但噶斯一路設卡探信防護。青海蒙古游牧地方甚屬緊要。應於青海扎薩克派二千名。預備策應。在內挑精兵二百。并綠旂兵一百名。得布特

里伊克柴且木等地。安設臺站卡倫。按年換班。從之。大將軍平郡王奏。北路軍營撤兵事宜。京城滿洲大營等兵。各給馬匹口糧。於六月中陸續起程。各回營汛。報聞。七月。諭內閣。前聞浙省海塘。於本年六月初二日。風潮偶作。衝決甚多。總因數年來。經理官員。將舊日工程。不能隨時修補。以致根脚空虛。隆昇與程元章等意見不合。汪滢張垣麟。但知隨聲附和。不顧國家之事。前因雇使民夫。剋減石料。經朕申飭。畧知收斂。然每石萬觔。尚減價六七折不等。欲符原

東華錄 卷十六
估六萬之數。責令石匠包賠。以致逃亾誤工。朕不惜數百萬帑金。冀以保全一方民生。而各官懷挾私意。不知為國為民。宜乎上天垂象。以示儆也。目今秋汛正大。一切搶修保護事宜。俱交與隆昇程元章汪澄張坦麟等。悉心料理。倘仍蹈前轍。再有疎虞。致傷田廬民命。必將伊等從重治罪。郝玉麟既不據寔奏聞。亦不能置身事外。廣西提督霍昇奏。總兵王無黨等。率兩粵兵七千餘名。陸續已到古州。分兵前進。入寨勦殺逆苗七次。斬獲甚多。現與古州總兵韓勳酌

議分撥進剿。令督撫轉飭州縣官嚴禁酒肆。不得沽與軍營撤回之兵丁。違者責懲。調派保定兵二千。及熱河浙江湖廣四路回營兵各一千。往常德辰沅等處分駐彈壓。命都統甘圖壁統率料理。以湖南緊接黔省之思安鎮恩等府也。刑部議革職署甘州提督劉世明等。縱兵為盜。冒餉侵帑。各案請擬斬立決。從之。大學士一等伯鄂爾泰疏請罷斥并削去伯爵。得旨。古州苗疆一案。從前鄂爾泰以為必應征勦。彼時苗民相率向化。功成迅速。朕心嘉悅。特錫

伯爵乃平定未久。即數次蠢動。近則直入內地焚劫。黃平一帶郡邑居民受其擾害。朕詢問情由。鄂爾泰亦以出於意外。是後前經理本無定見。布置未協。所致。則朕一時之輕率誤信。亦無以自解。國家錫命之恩。有功則受。無功則辭。古今通義。着解大學士任。削去伯爵。并給假養病。仍食俸。命大學士朱軾。往浙江總理海塘工程。隆昇等俱聽節制。查郎阿奏。準噶爾使臣垂納木喀等到營。於六月二十七日。出潤舍圖卡倫西去。雲南總督尹繼善奏。大兵雲集。分

路會剿。焚洗逆巢數十。殺苗千餘。擒賊首阿九。詢知大賊首枉汪等。於空拜等寨築屯。嚴飭擒剿。現在清平廣平餘慶平越等處。俱已平定。八月。哈元生奏。自五月初六日以後。遣發各省官兵。將雞溝丹江橋貢台拱柳羅清江各處。俱已開通。軍聲大振。現今痛加勦除。其有寔係被脅附從者。許其悔罪投誠。得旨。慎無姑息。以貽後患。惟於張照哈元生是問。丁亥。上不豫。戊子。疾大漸。召莊親王允祿。果親王允禮。大學士鄂爾泰。張廷玉。內大臣豐盛。額訥。親海望。至寢

宮前鄂爾泰張廷玉恭捧上御筆親書密旨命皇四子寶親王為皇太子即皇帝位少頃皇太子傳旨着莊親王果親王鄂爾泰張廷玉輔政二十三日巳丑子刻上崩遺詔張廷玉鄂爾泰二臣將來着配享大廟十一月恭上尊謚曰敬天昌運建中表正文武英明寬仁信毅大孝至誠憲皇帝廟號世宗乾隆二年三月庚寅辰時葬泰陵

太祖承天廣運聖德神功肇紀立極仁孝睿武端毅
 欽安弘文定業高皇帝葬福陵睿弘文定業五字康熙元年加端毅二字雍正三年加欽安二字
 孝慈昭憲敬順仁徽慶顯承天輔聖高皇后仁徽二字雍正元年加

加元年
 大宗應天興國弘德彰武寬溫仁聖睿孝敬敏昭定
 隆道顯功文皇帝葬昭陵隆道顯功四字康熙元年加昭定二字元字乾隆元年加
 孝端正敬仁懿哲順莊敏輔天協聖文皇后哲順二字雍正元年加

元年

孝莊仁宣誠憲恭懿至德翊天啟聖文皇后

至德二
字雍正

元年

世祖體天隆運定統建極英睿欽文大德弘功至仁

純孝章皇帝

葬孝陵定統建極
四字雍正元年加

孝惠仁憲端懿慈淑純德順天翼聖章皇后

慈淑二
字雍正

元年

孝康慈和莊懿恭惠溫穆崇天育聖章皇后

溫穆二
字雍正

元年

聖祖合天弘運文武睿哲恭儉寬裕孝敬誠信中和

功德大成仁皇帝

葬景陵中和二字
字乾隆元年加

孝恭宣惠溫肅定裕贊天承聖仁皇后

吳雅氏

仁孝

孝昭

孝懿

世宗敬天昌運建中表正文武英明寬仁信毅大孝

至誠憲皇帝

葬恭陵

東華錄

卷十六

終

正德皇帝... 天保四年刊

東華錄卷十六 終

天保四年刊

天保四年刊

天保四年刊

天保四年刊

天保四年刊

